



ӨВӨРХАНГАЙ АЙМГИЙН  
ЗАСАГ ДАРГЫН ЗАХИРАМЖ

2019 оны 10 сарын 31 өдөр

Дугаар А/674

Арвайхээр

Нэгдсэн арга хэмжээ зохион байгуулах  
тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 29 дүгээр зүйлийн 29.2, 29.1.1-ийн “а”, Гэмт хэргээс урьдчилан сэргийлэх тухай хуулийн 7 дугаар зүйлийн 7.6.1, 7.6.2, 7.6.3, Мал хулгайлах гэмт хэрэгтэй тэмцэх урьдчилан сэргийлэх тухай хуулийн 5 дугаар зүйлийн 5.1.1, 5.1.6, Байгаль орчныг хамгаалах тухай хуулийн 16 дугаар зүйлийн 16.2.1, Төсвийн тухай хуулийн 58 дугаар зүйлийн 58.2.17, Гамшгаас хамгаалах тухай хуулийн 32 дугаар зүйлийн 32.1.1, Татварын ерөнхий хуулийн 29, 47, Зөрчлийн тухай хуулийн 14.6.5, 14.6.12, Авто тээврийн тухай хуулийн 7 дугаар зүйлийн 7.1.1, Мал амьтны эрүүл мэндийн тухай хуулийн 7 дугаар зүйлийн 7.4.2 дэх заалтдыг тус тус үндэслэн ЗАХИРАМЖЛАХ нь:

1. Өвлийн улирал эхэлж иргэд, малчид хүнс, мод түлээгээ нөөцлөх мал, мах, модны нийлүүлэлтийг дагаад хулгайлах, хууль бусаар ан агнах, хууль бусаар мод бэлтгэх, хөдөлгөөний аюулгүй байдал, тээврийн хэрэгслийн ашиглалтын журмын эсрэг гэмт хэрэг, мал амьтны эрүүл мэндийн тухай хууль, мал амьтны гоц халдварт өвчин (шүлхий, цэцэг, мялзан гэх мэт)-ний голомтот бүхий газраас тээвэрлэгдэн ирж байгаа малын хөдөлгөөнд хяналт тавих, авто тээвэр өөрөө явагч хэрэгслийн албан татварын хэрэгжилтийг хангах, иргэдийн аюулгүй байдлыг хангах, хот хоорондын болон орон нутгийн замд техникийн бүрэн бүтэн байдлыг хангаагүй, зөвшөөрөлгүй тээврийн хэрэгслээр зорчигч тээвэрлэх явдлыг зогсоох эдгээр гэмт хэрэг, зөрчлөөс урьдчилан сэргийлэх хяналт, шалгалт хийх зорилгоор “Хяналт-шалгалт-2019” нэгдсэн арга хэмжээг 2019 оны 11 дүгээр сарын 05-ны өдрөөс 30 хоногийн хугацаанд зохион байгуулсугай.

2. “Хяналт Шалгалт-2019” нэгдсэн арга хэмжээний хүрээнд постонд ажиллах алба хаагч нарт шаардлагатай орон байр, түлээ нүүрс, шатах тослох материалаар дэмжлэг үзүүлэн ажиллахыг сумдын Засаг дарга, Гэмт хэргээс урьдчилан сэргийлэх ажлыг зохицуулах салбар зөвлөлийн дарга нарт даалгасугай.

3. Нэгдсэн арга хэмжээний удирдамжийг хавсралтаар баталсугай.

4. “Хяналт-шалгалт-2019” нэгдсэн арга хэмжээг холбогдох хууль тогтоомжийн хүрээнд үр дүнтэй зохион явуулж, мэргэжлийн удирдлагаар ханган ажиллах, дүнг танилцуулахыг аймгийн Цагдаагийн газрын дарга (цагдаагийн хурандаа О.Ганбат), Онцгой байдлын газрын дарга (дэд хурандаа Т.Мөнхдорж), Мэргэжлийн хяналтын газрын дарга (С.Дуламсүрэн), Татварын хэлтсийн дарга (Н.Эрдэнэсүвд), Мал эмнэлгийн газрын дарга (А.Нямдаваа), Авто тээврийн төвийн дарга (З.Балданням), сумдын Засаг дарга нарт тус тус даалгасугай.

011101271

5. Нэгдсэн арга хэмжээнд зарцуулагдах 10.000.000 (Арван сая) төгрөгийг Засаг даргын нөөц хөрөнгийн сангаас санхүүжүүлэхийг аймгийн Засаг даргын Тамгын газрын дарга (Ц.Ганболд)-т, гүйцэтгэлийг зохион байгуулж, хяналт тавьж ажиллахыг Хууль эрх зүйн хэлтсийн дарга (А.Отгонцэцэг)-т тус тус даалгасгай.

ЗАСАГ ДАРГА



Г.ГАНБОЛД

Аймгийн Засаг даргын 2019 оны 10  
дугаар сарын 31-ны өдрийн 1674 дугаар  
захирамжийн хавсралт

**“ХЯНАЛТ ШАЛГАЛТ-2019” НЭГДСЭН АРГА  
ХЭМЖЭЭ ЯВУУЛАХ УДИРДАМЖ**

2019.10.31

Арвайхээр сум

**Нэгдсэн арга хэмжээ зохион байгуулах үндэслэл:**

Аюулгүй иргэн-Амар тайван Өвөрхангай хөтөлбөрийн хэрэгжилтийг хангах, Аймгийн хэмжээнд гарч байгаа мал, амьтны гоц халдварт өвчнөөс урьдчилан сэргийлэх, Эрүүгийн хууль, Мал амьтны эрүүл мэндийн тухай хууль, Гэмт хэргээс урьдчилан сэргийлэх тухай хууль, Мал хулгайлах гэмт хэргээс урьдчилан сэргийлэх тухай хууль, Авто замын тухай хууль, Байгаль хамгаалах тухай хууль, Татварын ерөнхий хууль, Зөрчлийн тухай хууль бусад хууль тогтоомжийн хэрэгжилтийг хангаж ажиллах.

**Нэгдсэн арга хэмжээ зохион байгуулагдах хугацаа:**

2019 оны 11 дүгээр сарын 05-ны өдрөөс 2019 оны 12 дугаар сарын 05-ны өдөр хүртэл

Нэгдсэн арга хэмжээний хамрах хүрээ, хүн хүч:

Өвөрхангай аймаг дахь Цагдаагийн газар, Аймгийн Засаг даргын дэргэдэх Мэргэжлийн хяналтын газар, Татварын хэлтэс, Байгаль орчин аялал жуулчлалын газар, Онцгой байдлын газар, Мал эмнэлгийн газар, Авто тээврийн үндэсний төвийн Өвөрхангай аймаг дахь салбар, сумдын Засаг даргын Тамгын газрын алба хаагч нар хамрагдана.

Удирдлага зохион байгуулалт:

Нэгдсэн арга хэмжээг Цагдаагийн газар удирдан зохион байгуулна.

Арга хэмжээний хүрээнд түр хугацаагаар байгуулагдсан хяналтын постуудыг байгууллагын дарга нар хариуцан үйл ажиллагаанд нь хяналт тавин ажиллана.

Байгууллагаас ажиллах алба хаагч нарын хуваарийг 7 хоногоор гаргаж аймгийн Цагдаагийн газарт ирүүлнэ.

Нэгдсэн арга хэмжээний хүрээнд хариуцсан постын хийж гүйцэтгэж байгаа ажил, ажиллах нөхцөл байдлыг үнэлж дүгнэж, нөхцөл байдалдаа уялдуулан зөрчил, гэмт хэрэг, байгалийн хүндрэл бэрхшээлээс хамаарч хяналтын постыг нүүлгэн шилжүүлэх ажлыг Цагдаагийн газрын даргатай зөвшилцөж өөр газарт шилжүүлэн байршуулж болно.

Арга хэмжээнд сумын Засаг дарга нар сумын алба хаагчийг удирдлага зохион байгуулалт болон шаардлагатай пост байгуулах зөөврийн чингэлэг, гэр, тээврийн хэрэгсэл, хүнс, шатах тослох материалаар хангахад туслалцаа үзүүлнэ.

Хоногийн хугацаанд үүрэг гүйцэтгэх 1 алба хаагчийн хоолны зардал 5000 төгрөгөөр бодогдоно.

Дамжин өнгөрч байгаа мал, малын гаралтай түүхий эдийн мал эмнэлэг гарал үүслийн гэрчилгээнд хяналт тавьж зөрчил илэрсэн тохиолдолд холбогдох албан тушаалтан хариуцлага тооцож ажиллана.

Постонд гарах алба хаагчийг 7 хоногоор үүрэг гүйцэтгүүлж нэгдсэн журмаар ээлж хүлээлцүүлж ажиллана.

Нэгдсэн арга хэмжээг үнэлж дүгнэх:

Хяналтын пост өдөр тутам мэдээний хүснэгтээр Цагдаагийн газрын шуурхай удирдлагын жижүүрийн хоногийн мэдээнд ирүүлж ажиллана.

Пост удирдан ажиллаж байгаа байгууллагын дарга 7 хоног тутам Цагдаагийн газарт танилцуулга ирүүлж түүнийг 14 хоног бүр нэгтгэн аймгийн Засаг даргад хийж гүйцэтгэсэн ажлын танилцуулгыг хүргүүлнэ.

Арга хэмжээний хугацаанд байгууллагын үндсэн чиг үүргийн хүрээнд идэвх санаачилагатай ажилласан байгууллага, удирдлага, алба хаагчийг хамтран оролцож байгаа байгууллага, Засаг даргын шагналаар шагнаж урамшуулна.

АЙМГИЙН ЗАСАГ ДАРГЫН ТАМГЫН ГАЗАР

